

ՊԱՏԱՍԽԱՆ ԹՈՒՐՔ ԿԵՂԾԱՐԱՐՆԵՐԻՆ

«Հայոց ցեղասպանության պատմության և պատմագրության հարցեր» համադեսը, իր բնույթով լինելով գիտական-սխառագիտական, նպատակահարմար է համարում շրջանառության մեջ դնել ներկա հրապարակումը՝ ի պատասխան թուրք «մասնագետների», փաստերի իրողությունների խեղաթյուրման հերթական «միջոցառման»: Խոսքը ներքո ներկայացվող՝ ՀՀ ԳԱԱ Հայոց ցեղասպանության թանգարան-ինստիտուտի անօրեն պատմական գիտությունների դոկտոր Լավրենտի Բարսեղյանին մի նամակի և այդ նամակի պատասխանի մասին է: Որպես սթափ փաստերի, արխիվային, փաստական նյութերի հիման վրա, զուտ գիտական-սխառագիտական մոտեցումը, կերպը, ոճը որդեգրած պարբերական, համադեսը շրջանառության մեջ է դնում վերոհիշյալ իրողությունը վերաբերող վեց փաստաթուղթ՝ ցեղասպանությունը վերասրածների վկայությունները և արխիվային նյութեր, առանց սխառագիտական մեկնաբանումների:

ԹՈՒՐՔ ՊԱՏՄԱԳԵՏՆԵՐԻ ՀԵՐԹԱԿԱՆ ՇՈՈՒՆ

Ս/թ. հունիսի 10-ին ԳԱԱ Հայոց ցեղասխանության թանգարան-ինստիտուտում ստացվեց ներքո ներկայացվող նամակը:

«Հարգելի դոկտոր, պրոֆեսոր Լավրենտի Բարսեղյան, արխիվային փաստաթղթերի համաժայն, հայկական բանդաները Կարսի մարզի Դերեխիկ գյուղում 1918թ. սպանել են 360 մահմեդական: Արխիվների և զրականության մանրակրկիտ ուսումնասիրությամբ մենք ցույց են տվել, որ 1918թ. ապրիլի 15-16-ը 371 մահմեդականների, մեծ մասամբ կանանց և երեխաների, հավաքել են հարդանցում և հրկիզել: Նրանցից 360-ը չնչացվել է և միայն 11-ին է հաջողվել փրկվել:

Այդ միջադեպի վայրը վերածվել է զանգվածային գերեզմանոցի, ինչը հայտնի է դարձել արխիվային հետազոտությունների հետևանքով: Թուրքական պատմագիտական ընկերակցու-

թյունը 2003թ. հունիսի 31-ից հուլիսի 1-ը սկսելու է այս զանգվածային գերեզմանացի պեղումները:

Մենք ցանկանում ենք հրավիրել Չեզ՝ վկա գտնվելու այս զանգվածային գերեզմանը բացելու աշխատանքներին: Այս առիթով մենք շնորհակալ կլինենք, եթե Դուք կարողանաք տեղյակ պահել մեզ Չեր մասնակցության մտադրության մասին մինչև 2003թ. հունիսի 20-ը:

Չեր ապրուստի ծախսերը կեռօա Կարսի մեր ընկերակցությունը:

Անկեղծորեն Չեր՝ Յոսաֆ Հալաբոլյու:
Թուրքական պատմագիտական ընկերակցության
մախազահ, պրոֆեսոր:

Հունիսի 20-ին Լավրենտի Բարսեղյանը հետևյալ պատասխան նամակով դիմել է թուրք պատմաբանին.

«Հարգելի պրոֆեսոր, ստացա Չեր հրավերը՝ 2003թ. հունիսի 30-ից հուլիսի 1-ը Կարսում լինելու մասին:

Յավթը, չեմ կարող մասնակցել Չեր և Կարսի նահանգի դեկալարության կազմակերպած շաբաթին, որը կրկին վկայում է, որ Չեր կառավարությունն ու թուրք պատմաբանները շարունակում են նեոգալիստիկ պատմությունը և ճշմարտությունը:

Հավանաբար կազմակերպվող պեղումներին Դուք պետք է առաջին հերթին հրավիրեք մասնագետ մարդաբանների, ովքեր կարող էին հավաստել, թե պեղումներից հանված նյութերը կարճաճանգ կամ երկարաճանգ ռասայի ներկայացուցիչներից որին են պատկանում:

Ես պատրաստվում եմ Չեզ ավելի ընդարձակ բաց նամակ հղել, սակայն պարտքս եմ համարում թուրք պատմաբաններին հիշեցնել, որ 1918թ. մարտի 12-ին թուրքական զորքերն Էրզրումը գրավելուց հետո Բյազիմ Կարաբեքիր փաշայի հրամանատարությամբ շարժվեցին դեպի Կարս: Թուրքական բանակն ապրիլի 26-ին գրավեց Կարսը և շուրջ մեկ ամսվա ընթացքում, Էրզրումից մինչև Կարս հասնելը, ռազմապարհին ռազմացանցում էր հայ բնակչությանը: Չոհեբի թիվը կազմեց մի քանի տասնյակ հազար հայ բնակիչ: Ի դեպ, միայն 1918-1920թթ. ընթացքում, Արևելյան Հայաստան կատարած թուրքական արշավանքների հետևանքով, մի շարք բնակավայրերում թուրքերն իսպառ բնաջնջել են հայ բնակչությանը:

Այսօր էլ տարբեր բնակավայրերում շինարարական աշխատանքների ժամանակ հայտնաբերում են զանգվածային թաղումների հետքեր, և եթե Դուք անձամբ ցանկություն ունեք ակնա-

տես լինելու խմբակային թաղումների գերեզմանների բացմանը, ապա ես սիրով հրավիրում եմ Չեզ և ինձ վրա եմ վերցնում Հայաստանում գտնվելու հետ կապված Չեր բոլոր ծախսերը:

Խնդրում եմ սպասել իմ հաջորդ գրությանը:

Հարգանքներով՝ Լավրենտի Բարսեղյան:

*Հայոց ցեղասպանության թանգարան-ինստիտուտի տնօրեն,
պատմական գիտությունների դոկտոր»:*

Ընթերցողներին է ներկայացվում Լ. Բարսեղյանի նախկին նշված փաստերի մասին վերապրածների վկայությունները և երկու արխիվային փաստաթուղթ:

Հայոց ցեղասպանության մի հիշարժան փաստի մասին

ԱՍՅԱՆ ԽԱՉԱՏՐՅԱՆ

1915-23 թվականների Մեծ եղեռնի՝ Հայոց ցեղասպանության մասին գրվել են ու դեռ կգրվեն պատմական, քաղաքական, փաստագրական բազում աշխատություններ, ակամատեսների վկայություններ: Գոյություն ունեցող փաստերի կողքին իմ ներկյացնելիք ողբերգական իրողությունը չափերով, գոհների թվով թեև համեմատաբար ավելի մվազ է, բայց կատարման եղանակով այնպիսի նախճիր է, որ կարող է գերազանցել ամենասոսկալի երևակայությունն անգամ:

Խոսքս 1920 թվականի աշնանն Ալեքսանդրապոլի գավառի Աշոցքի սարահարթի (նախկին Դուկասյանի շրջան) Վարդաղրբյուր գյուղի 196 կանանց, երեխաների, ծերերի ողջակիզման մասին է: Գյուղը գտնվում է հիմնավորց տարանցիկ ճանապարհների խաչմերուկում: Գյուղից Ախալքալակ և դեպի Տաշիր-Թբիլիսի մայրուղիներն անցնում են այդ գյուղի միջով: 20-րդ դարի հիսուն-վաթսունական թվականներին դեռ ապրում էին այն կենդանի մնացածներից շատերը, որոնց հարազատներն էին ողջակիզված անմեղ զոհերը: Իմ սերունդը, որ կատարված ողբերգությունից հետո էր ծնվել, դարձյալ անտարբեր չէր կարող լսել ժամանակակիցների պատմությունները: Չէ որ չկար մեզնից մեկը, որ ողջակեզների մեջ հարազատներ չունենար:

Ահա՝ անցյալ դարի դարասկզբի փոթորկահեղ ժամանակների իրադարձությունների հետևանքն էր այն զարհուրելի նախճիրը, որ 1920 թվի աշնանը կատարվեց Վարդաղրբյուր գյուղում՝ քենական զորքերի ձեռքով: Այդ ժամանակ այդ սարսափելի ոճրի՝ ողջակիզման գոհ գնացին Վարդաղրբյուր գյուղի 196 բնակիչ՝ հիմնականում կանայք, երեխաներ, ծերեր: Մակայն նրանց մեջ կար մեկը՝ Բալյան Արտաշեսը, որ միակ փրկվածն էր ողջակիզման այդ ոճրից: Նա եղել էր այն կենդանի վկան, որի աչքերի առջև կատարվել էր այդ սոսկալի եղեռնը:

Իմ պատանեկության տարիներին, երբ դեռ գյուղում էի բնակվում, համագյուղացիներից բազմիցս լսում էի այդ սարսափելի ողբերգության պատմությունը: Հետագայում, երբ ավարտել էի բանասիրական ֆակուլտետը, իմ մեջ միտք հղացավ ակամատեսի բերանից լսել ու գրառել այդ սոսկալի ոճրի պատմությունը, և ես այդ խնդրով դիմեցի Արտաշես Բալյանին: Պայմանավորվեցինք հանդիպել գյուղի կենտրոնի աղբյուրի մոտ: Աղբյուրը եկեղեցու մոտ էր, իսկ դիմացը՝ այն մեծ փոսորակն էր, որն իր տակ ամփոփում էր 196 անմեղ զոհերի աճյունները: (Վաթսունական թվականներին այդ ընդհանուր

գերագմանի վրա իմ համագյուղացիները կառուցեցին մի համեմատ հուշարձան):

Հաջորդ առավուտ՝ պայմանավորված ժամին, հանդիպեցինք պալատական վարչի վալյու, ու նա ակախառեսի մանրամասներով պատմեց իր համագյուղացիներին բաժին հասած այդ դաժան ողբերգության մասին:

Ահա՛ իմ գրառած վկայությունն այս սարսափելի ոճրի մասին:

* * *

«1918 թվին այդդեն տեսել էինք երիտթուրքերի վալրագութունները՝ թալանը, ավերածությունները, կոտորածները: 1919 թվին, երբ նրանք հեռացան, հուսով էինք, թե էլ չեն վերադառնա, բայց հայի սփռվածը լոկ հույսն է եղել:

1920-ի ամռանը լուրեր տարածվեցին, թե թուրքական զորքերը կրկին գրավել են Ալեքսանդրապոլը և շարժվում դեպի գավառի գյուղերը: Գյուղացիները սարսափով էին սպասում նրանց հայտնվելուն, ովքեր հնարավորություն ունեին, հեռանում էին Լոռվա կամ Վրաստանի կողմերը: Շատ ընտանիքներում տղամարդ չկար: Ոմանք դեռ պատերազմի սկզբում գորակազուրկ էին ցարական բանակ, ժմանք դաշնակցական բանակում էին, ժմանք սպանվել էին դեռ 1918-ին կամ ընտանիքներով հեռացել: Գյուղում մնացել էին կանայք, երեխաներ և ծերեր:

Գյուղերում աղվ էր սկսվել: Աշնան սկզբներին թուրքերը մտան մեր սարահարթի գյուղերը: Սրանք էլ նույն ասկյարներն էին, միայն սրանց անվանում էին քեմալականներ, որ ավելի բիրտ ու դաժան էին, քան նախորդները: Նրանք տեղավորվում էին գյուղացիների տներում՝ տներինք բլելով գոմերն ու մարագները, որ դատարկ էին սրանց նախորդների թալանի հետևանքով: Մեր տանն էլ տեղավորվեցին երեք ասկյար, որոնցից մեկը հավանական է՝ գինվորական բարձր կոչում ուներ, քանի որ հրամայելով էր խոսում մյուս երկուսի հետ: Մի քանի օր անց տա մի հայ կին բերեց: Մենք չգիտեինք՝ նրան ասկյարը բռնությամբ էր բերել, թե կինը, որ բավականին համակրելի արտաքին ուներ, իր կամքով էր եկել, գիտենք միայն, որ նա մեր հարևան գյուղից է: Գյուղի կանայք նրան մի տեսակ գալթությամբ էին նայում:

Հետագա մի քանի օրերը խաղաղ անցան, դաժան դեպքերը դեռ առջևում էին:

... Մի օր առավոտյան ահավոր իրարանցում ընկավ գյուղում: Թուրք ասկյարները գյուղում մնացած բոլորին՝ կանանց, երեխաներին, ծերերին հրացանների ու մորակների առաջն արած բշում էին Գևո տա-ցուի տունը, գոմն ու մարագը, որ ամենամեծն էին գյուղում: Մարդիկ բռնազորեն կռահում էին, որ վատ բան է կատարվելու, դիմադրում էին, չէին ուզում գնալ, բայց թուրքերը բռնությամբ, մորակներով, հրացանի կոթուններով ու սվիններով, հայեռելով նրանց բշում էին դեպի Գևո տա-ցուի գոմը:

Ես այդ բոլորը տեսնում էի մեր բակի դռան բացվածքից: Հուսով էինք, թե այդ կնոջ շնորհիվ մեր տունը չեն գա, բայց շատ չանցած թուրքերը լցվեցին մեր տունն ու նույնպիսի բռնությամբ մերոնց էլ սկսեցին տանել: Ընդհանուր խառնակության, լացուկոծի միջոցին մեր տան մեծավոր թուրքն ու նրա հայ կինը մոտեցան ինձ, թուրքն ինձ հասկացրեց, որ հետևել իրեն. նա ինձ տարավ գոմը և ստիպեց, որ անշարժ, անձայն պառկեմ մատրի մեջ: Ես բնազդորեն կատարեցի նրա արածը: Ինձ մոտ կանգնել էր այն հայ կինը և խնդրում էր տեղիցս չշարժվեմ: Մինչ ես քաքնվել էի մատրում, թուրքերը մերոնց էլ տարան Գևո տա-ցուի գոմը:

Երբ նրանց լացուկոծի ձայները հեռացան, այլևս թաքնվել չկարողացա, գոմից դուրս եկա միջանցք, մոտեցա բակի դռանը, որը դռսից փակված էր, ու դռան բացվածքից ականատես եղա այդ դաժան եղեմին:

Գոմի ու մարագի շուրջը, ուր բշել էին գյուղի բնակիչներին, զինված ասկյարներ էին կանգնած, որպեսզի ոչ մեկը փախչելու փորձ չանի: Շատերի շորերը պատառուտված էին, մազերը զգզված, դեմքերն՝ արյունոտ:

Ես երկյուղից քարացած՝ նայում էի ու չէի հասկանում, թե ինչ են ուզում անել: Մինչ ներսից լսվում էր կանանց ու երեխաների լաց ու աղաղակի խուլ զվվոցը, ասկյարներից մի քանիսը բարձրացան կառույցները, դռտեղ մախոռք, երդիկից բացի, մի քանի լայն անցքեր էին բացել և խոտի կույտեր դարսել անցքերի մոտ: Նրանք կառույթի անցքերից ինչ-որ հեղուկ էին շաղ տալիս ներսում գտնվողների վրա: Երբ բավականաչափ ամաններ դատարկվեցին, նույն հեղուկից շաղեցին նաև կիտված խոտերի վրա և վառեցին: Արդյո խոտերը նրանք անցքերից ներս էին թափում: Կանանց ու երեխաների աղաղակները սաստկացան: Մոսկալի էր աղվող ու ծխախեղդ մարդկանց վայնասունը:

Մինչ ես քաշքշում էի, որ բացեմ դուռը, հայ կինը՝ սարսափից դողալով, լացակումած համզոտ էր ինձ, որ հեռանամ դռնից ու չտեսնեմ այդ դժոխսային տեսարանը:

Հանկարծ դռսից դուռ բացվեց, ու ներս մտավ մեր տանն ապրող մեծավորը: Ես ճարպկությամբ պոկվեցի կնոջ ձեռքերից և սկսեցի փազել դեպի աղվող տունը: Սակայն ինձ հասավ նույն ասկյարը, բռնեց ինձ և ուժով ետ քերեց տուն:

Ես խելագարի նման բառաչում էի, թափալվում, աշխատում էի պոկվել նրա ձեռքերից ու փազել դեպի աղվող տունը, գոմը, մարագը, ուր կրակի մեջ վառվում էին մայրս, եղբայրներս ու քույրերս, մերոնք, ողջ գյուղը: Պարզ տեսել էի կառույցների անցքերից դուրս ժայթքող բարձր, բոցախառն ծուխը, լսում էի աղվողների գոռում-գոչյունը, լացն ու վայնասունը, բայց ի՞նչ պիտի անեի ես: Հետո երևի կորզրի գիտակցությունս, ընկել էի անզգա վիճակի մեջ: Այս վիճակի մեջ ինձ տարել էին ու պառկեցրել թոնրատանը:

Չգիտեմ որքան էի մնացել այդ ցնորական մոծավանջում, երբ գիտակցությանս հասան իրական աշխարհի ձայները: Ամմիջապես սթափվեցի, և կրկին աչքերիս առջև ծառացավ դժոխսային իրականությունը՝ իր ողջ սարսափով:

Միանգամից վեր թռա տեղիցս, մթության մեջ խաբխափելով դուրս փազեցի թոնրատանից դեպի բակի դուռը. այն կրկին փակ էր դռսից: Իմ հետևից դուրս փազեց այն կինը, որ ամբողջ ժամանակ հսկել էր ինձ՝ իմ այդ դրության մեջ: Դրսում աղջամուղջ էր, չգիտեմ՝ նոր էր մթնում, թե նոր էր լուսանում, ասեմք դրա անհրաժեշտությունը չէի էլ զգում, միայն դռան ճեղքներից տեսնում էի, որ դժոխսային գործողությունը շարունակվում էր: Ըստ երևույթին տանիքը փուլ էր եկել, գերանները ճարճատմում էին, բանձր ծուխը՝ հրալին կայծերով տարածվում էր գյուղի վրա: Բոցախառն կայծերի հետ օդի մեջ տարածվել էր մարդկային խանձափոս:

Ինձ թվում էր, թե կխելագարվեմ: Բայց, ըստ երևույթին, մախախնամությունը կամեցել էր, որ ես ապրեմ, որպեսզի այս ամենը պատմեմ նրանց, ովքեր այս ամենը զոհերի հարազատներն էին: Եվ ինչո՞ւ միայն նրանց, երևի թե բոլորին, ողջ մարդկությանը:

Ընդարմացել էր զգացողությունս, չէի զգում օրերի վազքը,

նրանք անցնում էին իմ կողքով՝ ոչ մի հետք չթողնելով իմ վրա: Դարձել էի թուրքովին անտարբեր, ոչնչի չէի սպասում. ամեն ինչ կորցրել էր իր իմաստը: Նույնիսկ չէի կարողանում նայել այն անսովոր գերեզմանացին, որն իր մեջ թաքցնում էր այնքան թանկագին հարազատներին... Ու ընկնում էի ցնորքների աշխարհը: Ասլորում էի ինքս իմ մեջ, իմ վշտիս մասնակից չդարձնելով նույնիսկ այն կնոջը, որ մալրական հոգատարությամբ գուրգուրում ու խնամում էր ինձ: Ահավոր ատելություն ու վրեժ էր կուտակվում իմ փոքրիկ սրտի մեջ:

Այն ժամանակ մենք դեռ մինչև վերջ չգիտեինք, թե ինչ էր տեղի ունեցել արևմտահայ մեր հայրենակիցների հետ, և որ իմ ատելությանն ու վրեժին պետք է գումարվեր մեծ, շատ մեծ ու հզոր վրեժ, որպեսզի հատուցվեր չարագործների ոչնչով չարդարացված չարագործությունները: Հետո՝ ավելի ուշ, հասկացանք, որ աշխարհը խուլ է մեր ռդրի հանդեպ՝ մենք միայնակ ենք կրելու մեր դաժան վիշտն ու ցավը, իսկ վրեժ լուծել անկարող ենք:

Չմեռ էր արդեն: Աշոգքի ձմեռը շատ խիստ է լինում: Այդ տարվա ձմեռն էլ առատորեն տեղացած ձյունով ծածկել էր այրված-քանդված տունը, գոմն ու մարագը, և այն մեծ փոստրակը, որ անմեղ գոհերի անսովոր գերեզմանոց էր, մնացել էր հաստ ձյունաշեղջի տակ. կարծես ոչինչ չէր եղել...

Թուրքերն աստիճանաբար լքում էին մեր ամառացած գյուղը: Ինձ խնամող կիսն ասաց, որ մեր տանն ապրող թուրքը մտադիր է ինձ համոզել, տանել իր հետ, ավանդադիմիտ ու իր որդին դարձնել: Ես սարսափեցի այդ մտքից և վճռականորեն ասացի, որ երբեք այդ քայլին չեմ դիմի, երբեք մեր դահիճների մեջ չեմ ապրի, թեկուզ դրա համար ինձ սպանեն: Կիսը նրան ասաց իմ մերժման մասին: Ըստ երևույթին թուրքը դա բնական էր համարել ու բռնության չդիմեց: Մինչև օրս էլ ես շնորհակալ եմ նրանից, որ ինձ չհարկադրեց գնալ իր հետ:

Չմտան ամիսներն ավարտվել էին, բայց բուրն ու մորիկը շարունակվում էին նույն ուժգնությամբ: Մեր տանը բնակվող ասկյարին մենք այլևս չտեսանք: Փաստորեն նա լքել էր նաև այդ կնոջը, որ խնամում էր ինձ: Լավն այն էր, որ այդ ծանր տարիներին թուրքը մեզ համար որոշ սննդամթերք էր թողել: Մի ամիս էլ դրանով ապրեցինք: Կիսը գիտեր, որ հարևան գյուղում ես մորաքույր ունեմ, նույնիսկ ճանաչում էր նրան: Ես խնդրեցի, որ ինձ տանի մորաքրոջս մոտ: Ապրիլյան մի խաղաղ առավոտ մենք ճանապարհ ընկանք մորաքրոջս գյուղը: Երբ տուն մտանք, մորաքույրս հանկարծակի եկավ, ճչաց, վեր թռավ, գրկեց ինձ, համբուրում էր ու լացի հետ անընդհատ կրկնում էր. «Էս ինչքո էդա՛վ, հըպը կսե՛ին ոչ մեկը չի՞ փրկվել, ինչը՞ դու փրկվեցիր...» Ինձ խնամող կիսը պատմեց ռդը եղելությունը, չէ որ ինքն էլ էր ականատես: Մորաքույրս շնորհակալ եղավ այդ կնոջից, որ մոր նման ինձ խնամել էր այդ սարսափեցիկ օրերին: Հարևաններ հավաքվեցին, կսկծացին, մխիթարեցին մորաքրոջս ու գնացին: Նրա ամուսինը ևս չկար, դեռ 1914 թվին զորակոչել ու տարել էին ռազմաճակատ, լուր չկար: Մորաքույրս մնացել էր իր երկու փոքր երեխաների հետ:

Մեր սարահարթի գաղութը միանգամից է սկսվում. ռդը դաշտը դառնում է ձնհալից գոյացած մի հսկա ծով՝ իր մեջ լողացող մեծաթիվ ու մեծազանգված ձյունախյուսքերով ու սառցաբեկորներով: Մակայն ականատեսների պատմելով՝ 1921-ի գաղութն ավետող ճնալի սառցաջրերում ձյունախյուսքներից ու սառցազանգվածներից բացի լողում էին նաև

մարդկային դիակներ...

Մնացել էր մի աղտոտ հույս. գուցե գյուղից հեռացած, կենդանի մնացած մարդիկ՝ միայնակ կամ ընտանիքներով, վերադառնան, գյուղը նորից գյուղ դարձնեն, շենացնեն: Գարնան բացվելու հետ բացվեցին նաև ճանապարհները, գնացող-եկողը շատացավ, լուրեր տարածվեցին, թե թուրքերն արդեն հեռացել են, որ նոր իշխանություն է եկել, գյուղերից հեռացած, կենդանի մնացած մարդիկ մենակ կամ ընտանիքներով վերադառնում են: Մոռաբորոքս գյուղացիներից էլ շատ գորացրված զինվորներ ու փախստականներ եկան: Վերջապես հայտնվեց հալոս՝ գյուղի քահանա տեր Վարդանը: Ինձ տեսավ, գրկեց ու երկար ժամանակ լաց էր լինում և ոչինչ չէր խոսում:

Հաջորդ օրը հայրիկիս հետ գնացինք մեր գյուղ: Ես ճանապարհին ամեն ինչ պատմեցի նրան: Գնացինք ուղիղ ողջակեզների գերեզմանը, ուր խմբվել էին վերադարձած գյուղացիները՝ զոհերի հարազատները: Նրանցից ոմանք, հատկապես ջախելները պարկերով ու պատգարակներով հող էին կրում ու ծածկում ալյուրածների աճյուրները: Հետագայում էլ հողով գրեթե հարթեցրին մեծ փոստրակը, ավելի ուշ՝ վաթսուական թվականների վերջերին, ողջակեզների հիշատակին կառուցեցինք մի համեստ հուշակոթող, որը կանգուն է մինչև օրս:

Մայիսն անցել էր արդեն, օր-օրի գալիս էին գյուղացիները՝ մեծ մասամբ տղամարդիկ, նաև ընտանիքներով: Եկան նաև հորեղբայրս ու մեր ազգականներից՝ մի քանիսը: Մինչև ամառվա վերջը հավաքվեցին քառասունմեկ՝ ընտանիքները կորցրած տղամարդ և մի քանի ընտանիք՝ առանց ընտանիքի գլխավորի: Թեև ծանր ու դժվարին պայմաններում, այնուամենայնիվ կյանքը շարունակվում էր: Ընտանիքները կորցրած ջախելներն ու միջին տարիքի տղամարդիկ ամուսնացան, ընտանիքներ կազմեցին, ծնվեցին երեխաներ, գյուղական կյանքն աստիճանաբար մտավ իր հունի մեջ: Եղեռնից փրկված գաղթականներից մի խումբ՝ շուրջ հիսուն ընտանիք, տեղավորվեցին մեր գյուղում: Գյուղը զգալիորեն ընդարձակվեց: Աստիճանաբար ստեղծվում էր թեև նվազագույն, բայց համեստ ապրելու որոշ պայմաններ:

Այս ամենով հանդերձ՝ կորուստների ցավը մշտապես նստած էր բոլորիս սրտերում և իրեն զգացնել էր տալիս, և երբ գյուղացիներս, առօրյա աշխատանքից ու հոգսերից բեռնաթափվելու համար հավաքվում էինք գրուցելու՝ մեկ էլ տեսար աննկատելիորեն թեման փոխվում էր դեպի մեր այդ ցավը...»:

* * *

Ահա Ալեքսանդրապոլ գավառի Աշոցքի սարահարթի Վարդաղբյուր գյուղի 1919-ին ողջակիզվածներից միակ վերապրածի՝ Արտաշես Բալոյանի՝ իմ գրառած վկայությունը, որ ներկայացվում է ամենայն ճշգրտությամբ:

Բոլոր կորուստները հաշվելով ու ի մի բերելով արձանագրվել էր եղբական իրադարձության ողբերգական արդյունքը՝ 196 ողջակիզված անմեղ զոհ, որոնք երկար տարիներ պետք է դառնային ողբերգությունից ընդարմացած համագյուղացիների չապաքինվող անմոռաց հիշողությունը: Չէ որ նրանցից ամեն մեկը կորցրել էր հինգից յոթ հարազատ:

Աղբուլաղ (Հզագի ձոր) գյուղի 1920թ. ողբերգությունը

ՄԿՐՏԻՉ ԽԱՆԶԱՐՅԱՆ

1920թ. թուրքական արշավանքի ողջ պատմությունը չէ, որ պիտի ներկայացնեմ: Այդ մասին հարյուրավոր գրքեր են գրվել: Ես պետք է ներկայացնեմ այն արհավիրքը, այն մեծ ողբերգությունը, որ բաժին ընկավ հատկապես մեր՝ Աղբուլաղ (ներկայումս Մալիտակի շրջանի Լուսաղբյուր) գյուղին, նաև հարևան երկու՝ Ղարաբոյա (Խնկոյան) և Ղաթախչի (Հարթագյուղ) գյուղերին:

Դեռ 1918թ. թուրքերը մտել էին մեր գյուղը ու թեև մասսայական կոտորածներ չէին սարքել, բայց շատ մարդկանց էին գերևարել, գյուղը թալանել և ինչ հնարավոր էր եղել տարել էին: Բայց դա մալսերգանքն էր միայն, իսկ սարսափելին գալու էր ավելի քան երկու տարի հետո, 1920թ. շարժվեցին դեպի արևելք: Ջաջուռի լեռնանցքում թուրքերի առաջխաղացումը կասեցվեց՝ հայկական մահանցող զորամասի ցար ու ցրիվ ջոկատը և նրան միացած Աղբուլաղի (Լուսաղբյուր) և շրջակա մի քանի գյուղերի բնակիչները փակեցին թուրքերի ճամապարհը: Մակայան թուրքերին հաջողվեց Փամբակի հովիտը մտնել այլ ճամապարհով: Նրանք, շրջանցելով լեռնանցքը, Ղաթախչի գյուղի թիկունքից, Փամբակի լեռնաշղթայի մի կտրվածքից, ներխուժեցին Ղաթախչի և շրջակա կաման մեջ առան հարևան գյուղերը՝ Ղարաբոյան, Աղբուլաղը և Ղաթախչի երկաթուղային կայարանը ու փակեցին Ջաջուռի թունելի արևելյան մուտքը և դեպի Գյումրի գնացող խճուղային ճամապարհը: Նույն օրը հենց գյուղի մեջ, իրենց տներում նրանք սրի քաշեցին Ղաթախչիի, ապա, անցնելով Ղարաբոյա, նաև Ղարաբոյայի բնակչությանը: Այդ նույն օրը թուրքերը Ղաթախչիից շարժվել էին դեպի Աղբուլաղ, բայց հանդիպելով ինքնապաշտպանական ուժերի՝ Ղաթախչի կայարանից և գյուղից գնդակոծմանը, նորից մահանջել էին Ղաթախչի:

Այդ գիշեր մահանջել էին նաև լեռնանցքը պահող բանակի մնացորդները:

Թուրքերն Աղբուլաղ էին մտել նոյեմբերի 16-ին: Թուրքերի գյուղ մտնելուց քիչ առաջ հայրս մեծ քրոջս՝ Կատարինեի և մեծ եղբորս՝ Արշակի հետ կարողացել էր գյուղից հեռանալ: Նրա ընտանիքի մյուս անդամները՝ մայրը (տատս), կինը, չորս աղջիկները (Արուսե, Կալիփսեն, Հայկանուշը և Եպրաքսյան), երկու եղբայրների կանայք, որոնցից մեկը չորս օր առաջ էր ծննդաբերել միայն, մնացել էին տանը: Չյունը նստել էր երկու օր առաջ: Գյուղի տանուտերն՝ Ալվազ Դանիելյանը, մի քանի մարդկանց հետ, աղ ու հացով գնացել էր թուրքերին ընդառաջ: Թուրք փաշան ոչ միայն աղն ու հացը չէր ընդունել այլև տեղն ու տեղը սպանել էր նրանց և մտել գյուղ: Գյուղ մտնելով՝ նրանք իրականացրել էին նախապես կայացրած որոշումը: Ասկյարները մտել էին տները, ժողովրդին խաբելով դուրս էին հանել տներից՝ իբր տանում են եկեղեցի հաշվառման:

Այդ պահին գյուղում տեղացիներից բացի, համարյա նույնքան էլ փախստականներ կային Կարսից և Գյումրիից: Մի թաղի մարդկանց հավաքել էին եկեղեցու բակում, իսկ մյուս թաղի ժողովրդին՝ Դուրգաբենց կալում: Հետո բոլորին միավորել էին մի տեղ և լցրել Թափչանց գոմը և բակը: Այս տան առջևից էր անցնում դեպի Գյումրի գնացող խճուղին: Այստեղ տղամարդկանց և դեռահաս տղաներին առանձնացնելով նրանց տարել էին Ղաթաբոյա գյուղի և Մաթուսի գոմն ու մարագը ու փակել այնտեղ: Նրանց միջից էլ առանձնացնելով տեղի Մկրտչին, կենդանի-կենդանի խաչել էին գոմի դռաի դռան վրա: Ապա նավթ էին լցրել և այրել գոմն ու մարագը:

Քուրս պատմում էր սահմանեցուցիչ փաստեր, որ երբ թուրքերն իրենց տնից դուրս էին հանում, հարևան Մկոյենց Կարապետի մարագում, խտտի մեջ, հայտնաբերում են մի քանի քաքնված տղամարդկանց: Անմիջապես հրդեհում են տունն ու մարագը: Թաքնվածները դուրս են սողում խտտի միջից: Նրանց բռնում և պողպատալարով կապում են միմյանց, նախ քան լցնում նրանց վրա և այրում: Եվ, ավելի սահմանեցուցիչ մի փաստ՝ թուրքերը բերում են դեղ-գոմեա, նվագում, իսկ երբ իրար կապած այդ մարդիկ, կրակի բոցերից այրվելով թռչկոտում էին, իրար ձգում, որ ազատվեն կրակից, թուրքերը չարախնդրեն հեռախոսով գովում էին նրանց այդ «մահվան պարը»: Հետո դեղ-գոմեան տեղափոխվում է այն գոմի և մարագի առաջ, որտեղ այրվում էին մյուսները:

Առո՛ տղամարդիկ այսպիսի վայրագ ձևով դարձան հրի ճարակ: Քանի՞ մարդ է այրվել գոմում և մարագում: Ճշգրիտ թիվը չկա: Մոտավոր հաշվարկներով՝ մոտ հինգ հարյուր մարդ:

Հետագայում, 20-ական թվականների կեսերին, երբ Վարդան ամին հին գոմի տեղը նորը պետք է կառուցեր, այդ ողջակիզվածների ոսկորներն արևներես ելան: Վարդան ամին հավաքեց նրանց աճյունը և հանձնեց հողին:

Կանանց և երեխաներին թուրքերը շրջափակված պահել են մինչև երեկո: Երեկոյան, արևամուտից քիչ առաջ, նրանց դուրս են բերել ճանապարհի վրա, քաժանել երկու, թե երեք խմբերի և թշվառ տարել դեպի Ջաջուռի լեռնանցքը: Նրանց համոզել են, թե տանում են Գյումրի: Մահապարտների այս թափոնն ասկյարների ուղեկցությամբ շարժվել է դեպի արևմուտք, դեպի Ջաջուռի լեռնանցքը: Գյումրից մինչև լեռնանցքը մոտավորապես երեք կիլոմետր է: Ճանապարհին ասկյարները մի քանի անգամ կանգնեցրել են նրանց և խուզարկել, խլել նրանց մոտ գտնվող ոսկեդրամներ և այլ թանկարժեք իրեր: Ճանապարհին մի քանի զառաճյալ կանանց և հիվանդների, որոնք դժվարաբաժնի էին քայլել, տեղում տեղը սպանել են: Երբ մահվան թափոնը հասել էր լեռնանցքին, մթնել էր արդեն: Մտաեցել էին Հրազի ձորին: Դեռ ձորին չհասած՝ լսվել էր աղիոտորձ լացի ձայներ, ճչոցներ և սարսափելի տնքոցներ. իրենցից առաջ հենց նոր էին ավարտել մի այլ թշվառ խմբի կոտորածը, որոնց բերել էին Շիրակի դաշտի գյուղերից և Գյումրիից:

Ականատեսները պատմում էին, որ երբ թափոնի գլուխը շուտ տվեցին կամրջից դեպի վեր, դեպի ձորի խորքը, սկսվեց աղիոտորձ լացն ու վայնասու-նը, գոգգոռոցն ու աղմուկը: Ամբոխը մի պահ կանգ առավ, չուզեց ենթարկվել ասկյարներին: Մի անվախ կին սկսեց սառած քարեր շարտել ասկյարների վրա: Վրա հասած ասկյարները տեղում տեղը սվինահարեցին նրան: Չանսա-լով կանանց և երեխաների սրտաճնլիկ լացուկոծին՝ նրանց թշեցին ձորի խոր-քը: Այնտեղ, ձորի մեջ փռված էին քազում դիակներ, որոնց մեջ դեռևս կային մահաձերձ, ծանր վիրավորներ: Քիչ վեր՝ զառիթափն էր: Ժողովրդին թշեցին դեպի զառիթափի եզրը: Լսվեց երկու հրացանագարկ: Դա կոտորածը սկսելու ազդանշանն էր: Ջառիթափի եզրին խմբված կանանց ու երեխաներին սվինա-հարում և շարտում էին ձորը... Բոլորին սվինահարելով և շարտելով ձորը այդ՝ մարդկային դեմքը կորցրած զազանները զառիթափից իջան, մտան ձորը և կատարեցին «ստուգողական գործողությունը» ու հեռացան կեսգիշերից հետո միայն: Երբ ամեն ինչ վերջացավ, լուսադեմին, ուլքեր դեռ շնչում էին, ուլքեր «պատահաբար» հրաշքով կենդանի էին մնացել, իրար ձայնելով դուրս եկան դիակների կույտի միջից...

Քանի՞ հոգի են դուրս եկել դիակների միջից, ճշգրիտ թիվը հայտնի չէ: Ըստ երևույթին 70-100 մարդ: Չյուն էր, ցուրտ և սառնամանիք: Այդ թշվառնե-րից ոմանք, որոնք կենդանի էին մնացել, ցրտահարվեցին: Ցրտահարվածնե-րից ոմանք, որ կենդանի էին մնացել, ապրում էին մեզ հետ, մեր կողքին (Բա-

քայան Արշակ և Նախշուն, Ղազարյան Մտեփան, Կիրակոսյան Բալարեկ, Մարգարյան Գուրգեն): Այս սպանողից փրկվածներն ահավոր բաներ էին պատմում, բոնք բոլորը գրի առնել հնարավոր չէ:

Հարկ եմ համարում երկու վկայություն միայն մեջբերել: Ես դրանք գրի եմ առել ըստ նրանց պատմածի, անփութիս: Քրոջս՝ Հայկանուշին, ծայնագրել եմ և տեսագրել: (Տեսագրությունը գտնվում է Երևանի Տեղասպանության բանգարանում):

Հայկանուշը ծնվել է 1909թ.: Ամուսնական ազգանունն Աշուղաթոյան է, ապրում է Մալիտակի շրջանի Մեծ Պարնի գյուղում, ունի երեք տղա և մեկ աղջիկ: Մեծ նրա պատմածը.

«Զյունը նոր էր եկել: Կռիվը գնում էր Գյաղուկում (լեռնանցքի անվանումը — Մ. Խ.): Թուրքերը Ղաթախչի մտան Բոխախչից: Գյաղուկից մեր զորքերը փախան: Թուրքերը մեր գյուղը մտան հաջորդ օրը: Մենք չէինք իմացել, որ Ղաթախչիի և Ղարաթոյայի ժողովրդին կոտորել են: Գյուղի քոխվան աղ ու հացով էր դիմավորել թուրքերին, որոնք սրով խփել և աղ ու հացը թափել էին գետնին, իսկ քոխվային սպանել:

Ահա այդ ժամանակ էր, որ հալած մեծ քրոջս և միակ եղբորս վերցրեց և փախավ: Տատս չթողեց, որ հալած մեզ էլ վերցնի: Տանը մնացինք տատս, մալրս, չորս քույրերս, հորեղբայրներս երկու կանայք՝ Շողդերը, որ չորս օր առաջ էր ծննդաբերել և Արուսյակը: Մեր տանն էին ապրում նաև երկու փախստական: Նրանք Բերնեցի էին՝ մալրը և իր տասնվեց-տասներեք տարեկան տղան: Այդ ժամանակ գյուղում շատ փախստականներ կային:

Երկու ասկյար մտան մեր տունը և պահանջեցին անմիջապես դուրս գալ տնից: Ասացին, թե պետք է գնանք եկեղեցի՝ ցուցակագրվելու: Իբր թե այնտեղ նպատակ են բաժանելու, որ հետո մեզ տանեն Գյումրի: Տատս շատ խնդրեց, գոնե տեղաշարժով պառկած ծննդկանին թողնեն տանը մնալ, բայց չսեցին: Երբ դուրս եկանք կալը, արդեն վատվում էին Սկոյենց Կարոյի տունը և մարագը: Թուրքերը նկատել էին, որ մարագի խոտի մեջ մարդիկ կան թաքնված և դրա համար վառել էին այն: Այդ մարդիկ արդեն դուրս էին եկել խոտի միջից և նրանց պողպատալարով կապել էին միմյանց: Դրանց մեջ էր նաև իմ մորական պապը՝ Աղաբաբյան Դավիթը: Մեր ներկայությամբ նրանց վրա նսվք ցանեցին և վառեցին: Թե ինչպես էին նրանք գոռում, գոչում, լալիս, իրար ձգում և թռչկոտում, պատմել չի լինի: Այդ ժամանակ հայտնվեց դեռ-գոռոնան, որը սկսեց նվազել մի պարեղանակ: Թուրքերը հրճվում էին, ծափ տալիս և գտնում նրանց «պալրք»: Շուտով դադարեց նրանց լացը, և դժբախտներն անշնչացած փռվեցին գետնին: Նրանք տաս-տասներկու հոգի էին: Մեզ տնից հանեցին և տարան գերեզմանոցի կողմը: Եկեղեցու ճանապարհին այնտեղով էր անցնում: Հետո նկատեցին, որ ժողովուրդը հավաքվել է Դուքզարենց կալում: Մեզ էլ շուտ տվեցին և տարան այնտեղ կուտակված ժողովրդի մոտ: Այնտեղ հավաքել էին մեր թաղի բնակիչներին և այս թարում պատասպարված փոխտականներին: Ջոկեցին տղամարդկանց և պատանիներին, մյուսներին տարան լցրին թուփչանց գոմը:

Արևը թեքվել էր դեպի մալրամուտ, երբ մեզ հանեցին գոմից և կանգնեցրին ճանապարհի վրա, Մնացականյան Գարենի տան առաջ: Տան մեջ թաքնված էր մնացել Գարենի մալրը՝ Ջաջուր, որին դուրս քաշեցին տնից և այդքան ժողովրդի առջև սվինահարեցին: (Երբ 1921թ. գյուղ վերադարձանք, Գարենը գտավ իր մոր դիակը և թաղեց իրենց տնամերձի բարդիների տակ):

Երբ հասանք Գյաղուկին, մութն ընկավ: Գյաղուկում մի շենք կար, որն արդեն աղված էր: Այդ շենքից մինչև Հզազի ձորը մի կես կիլոմետր էր: Այստեղ մեր ականջներին հասան ձորից եկող լացի և ողբի ձայները: Երբ հասանք ձորի կամրջին, մեզ շուտ տվեցին դեպի ձորի խորքը: Չորը լիքն էր դիակներով: Մեզ էլ քշեցին ձորաբերանի զամիթափը և խշտիկներով խփելով փաթեցին ձորը:

Երբ մտրս խփեցին, ես նրա հետ ընկա ձորը: Մալրս և մյուս քույրերս ընկան ինձ վրա: Ես մնացի նրանց տակը և այլևս ոչինչ չտեսա: Լսում էի մտրս տնքոցը միայն, որի արտունը լցվում էր ինձ վրա: Ես լուռ էի: Երկար մնացի այդպես պառկած: Ուշօրեք ձայները կտրվեցին: Կարծես ամեն ինչ խաղաղվեց: Լսեցի մի կնոջ ձայն, որը ասում էր, թե ով կենդանի է, թող դուրս գա: Ես էլ դուրս եկա: Մալրս պառկած էր մեջքի վրա, որովայնի լայն բացված վերքից դուրս էին թափվել աղիքները: Ես վրա բերեցի հագի շորերը և նրանցով ծածկեցի աղիքները: Եվ որովհետև սաստիկ մրսում էի ու դողացնում, միայն կարողացա մտրս գլխաշորը և ծակետը վերցնել: Շարժվեցինք ձորն ի վեր: Այդտեղ գտա հորաքրոջս՝ Խանուսին, որը ծանր վիրավոր էր և չէր կարողանում քայլել: Օգնեցի նրան: Վեր կացավ, քայլեց:

Հասանք Ջաջումի յալլան: Մի օր մնացինք այնտեղ: Մեզ հետ էր մեր հարևանուհի Մարանը՝ Մկոյենց Գործորի կինը: Նա ևս ծանր վիրավոր էր, բայց անվնաս էին մնացել նրա երեք տղաներ՝ Գևորգը, Ավետիքը և Անդրանիկը:

Հաջորդ օրը գնացինք Քեֆլի: Մարանն իր երկու փոքրիկներին՝ Գևորգին և Ավետիքին, թողեց քարափի տակ: Իր հետ վերցրեց միայն Անդրանիկին, որին Քեֆլիում սպանեցին թուրքերը: Մեր բոլորի աչքերի առջև կտրեցին նրա գլուխը... Մի քանի օր մնացինք մի գոմում: Մեզ կերակրում էին: Մեր մեջ կար մի երիտասարդ կին, որը գիշերը ծննդաբերեց: Նորածնին խնդդեցին:

Թուրք փաշան մեզ բուլլատրեց գնալ: Բայց ո՞ւր: Հորաքույրս դեռ կենդանի էր: Տեղափոխվեցինք հարևան Մարիար գյուղը: Տեղավորվեցինք մի տան մեջ: Գիշերը ներս մտան ասկյարները և տարան ջահել կանանց և աղջիկներին: Մոտեցան հորաքրոջս, բայց նա շատ ծանր վիրավոր էր: Քաշեցին նրան, հետո հրացանի կոթունով մի քանի անգամ խփեցին և գցեցին ոտքերի տակ: Նրանց գնալուց հետո ուզեցինք ընկած հորաքրոջս վերցնել, բայց նա արդեն մեռել էր...

Մեզ կերակրում էին: Օրական մի հում կարտոֆիլ և մի բուռ գարի էին տալիս, ուրիշ ոչինչ: Այստեղ գտա հարազատ մորաքրոջս՝ Ոսկեհատին, որը մաքրեց շորերս և մազերս, ապա լողացրեց: Մի քանի օր հետո մորաքրոջս և նրա ամուսնու հետ տեղափոխվեցինք Քյուլլիջա [այժմ Մարահարթ – Մ. Խ.], որտեղ և գտա հորս:

Մի քանի ամիս հետո, գարնան մի օր, լսեցի, որ թուրքը հետ է քաշվել, և վերադարձանք գյուղ: Գյուղում միայն ավերակներ էին: Քանդել և ավերել էին մեր տունը: Հայրս գնաց Հզազի ձորը՝ կնոջ և երեխաների դիակները գտնելու... Բայց չէր կարողացել ճանաչել իր հարազատներին: Ավելի քան հինգ ամիս դիակները մնացել էին բաց երկնքի տակ, այրակերպվել էին, գազաններն էին հոշոտել, և դարձել էին անճանաչելի»:

* * *

Համարյա նույն բովանդակությունն ունի նաև Մարգարյան Գուրգենի պատմածը: Մարգարյան Գուրգենը ծնվել է 1912թ., ասել է թե՛ 1920թ. ութ տարեկան է եղել: Նա ևս փրկվել է՝ մնալով դիակների առակ: Իր վրա պառկածն իր մալրն է եղել: Գուրգենի այժմեքը մնացել է ջրի և մի քարի արանքում և չի կարողացել դուրս հանել: Նրա վրա լցվել է հարազատ մոր և մյուս դիակների արյունը: Ինքը պառկած լինելով առվակի մեջ, համարյա ամբողջովին սառել է: Այսպես պառկած մնացել է մի քանի ժամ, ցրտահարվել են ոտքերը և ձեռքերը: Դիակների տակից դուրս գալուց հետո միայն զգացել է, որ խեղված է այժմեքը:

* * *

Հզազի ձորում տեղի ունեցած սպանդի մասին թեև գրվել է, բայց մինչև հիմա պատշաճ գնահատականի չի արժանացել: Գուցե ոմանց թվացել է և այժմ էլ թվում է, թե թուրքերի կատարած ցեղասպանության բազմաթիվ իրական գործողությունների շարքում այս մեկն այնքան էլ նշանակալի տեղ չի զբաղեցնում միլիոնավոր մյուս գոհերի կողքին:

Բայց այս դեպքը բոլորովին այլ երանգ ունի: Նախ՝ գոհվածների թիվը բավականին մեծ էր, և հետո՝ գոհվածների մեջ չի եղել ոչ մի հասուն տղամարդ: Տղամարդկանց կենդանի-կենդանի արել են հենց գյուղերում: Այստեղ են բշտել միայն կանանց և երեխաներին: Բացի այդ՝ այս ոճրագործությունը կատարվել է, ոչ թե թուրք և քուրդ խուժանի կողմից, ինչպես օտարներին ուզում են հավատացնել Արևմտահայաստանում կատարված ջարդերի հեղինակների հետևորդները, այլ՝ կանոնավոր բանակի ձեռքով: Ասել է թե՛ չի կարելի Հայոց ցեղասպանությունը սահմանափակել միայն Արևմտահայաստանի հայաբնակ շրջաններում տեղի ունեցած ոճրագործություններով: Դեռ մինչև վերջ ճշտված չէ, թե որքան գոհեր եղան 1920թ. քեմալականների արշավանքի ժամանակ: Խոսքն ամբողջ Կարսի մարզի, Սուրմալուի գավառի, Գյումրիի և նրա մերձավոր շրջանների, Նախիջևանի և այլ վայրերից տեղահանված տասնյակ հազարավոր հայերի կոտորածի մասին է:

Մի դրվագ 1920թ. ցեղասպանությունից (վերապրածի վկայություն)

«Ութ տարեկան էի, երբ թուրքական բանակը մտնեցավ Ախուրյանի շրջանի Չրախլի (այժմ Ջրառատ) գյուղին: Գյուղի բնակիչները, ով ինչպես կարող էր, փախչում էին գյուղից, թողնելով իրենց ամբողջ ունեցվածքը: Այդ ժամանակ ես ութը տարեկան էի և հիշում եմ այն վայրագությունները, որոնք կատարվում էին հայերի հանդեպ: Ես էլ իմ ծնողների հետ, խառնված գյուղի ժողովրդին, փախչում էի գյուղից: Ժողովրդի հոսքը այնքան մեծ էր, որ մեկը մյուսին հրմշտելով աշխատում էին ինչքան կարող են առաջ անցնել: Եվ ահա այդ ժամանակ ես կորցրի իմ ծնողներին: Սոված էի և հոգնած, լաց էի լինում և կանչում իմ ծնողներին: Փախչող հոսանքը ոչ մի ուշադրություն չէր դարձնում իմ վրա:

Որոշ ժամանակ անց փախչող ժողովրդի մի մասը ճանապարհից հետ դարձավ դեպի գյուղ: Վերադարձող ժողովրդին հրմշտում, ծեծում, ջարդում էին թուրքական զինվորները: Եվ վերջապես հասանք գյուղ, այն գյուղը, որտեղից մենք փախել էինք: Փողոցներում փռված էին մարդկային դիակներ: Թուրքական զինվորների

հրմշտոցից ես վաղը ընկա դիակներին մեջ: Երեկոյան, թուրք զինվորները, կարծելով ինձ մահացած, ժողովրդին հրելով, ծեծելով տանում էին: Որոշ ժամանակ անց ես լսեցի մարդկային ճիչեր, լացուկոծ, աղաղակներ: Դու մի ասի՝ ժողովրդին լցրել էին մի տան մեջ և կենդանի ալրել էին նրանց: Բոցն ու ծուխը պատել էր գյուղի մեծ մասը:

Անցավ ժամանակ, չգիտեմ թե որքան ժամանակ, դադարեցին այդ լաց ու ճիչերը, և ես վերկացա ու գնացի դեպի մեր տուն, որը հեռու չէր այն տնից, որտեղ ողջակիզել էին ժողովրդին: Տանը ոչ որ չկար, մութ էր, ինքս սոված էի, հոգնած և որպեսզի մենակությունից ազատվեմ՝ տանից դուրս եկա և մի անորոշ ճանապարհով քայլեցի: Գյուղի ծաղիկն ես հանդիպեցի մեր գյուղացիներից մի քանիսին: Նրանք ինձ օգնեցին, հետները տարան Խանկալի գյուղը, որը հիմա գոյություն չունի, իսկ բնակիչները տեղափոխվել են Մերմանդար: Այն տունը, որտեղ ողջակիզել էին գյուղի ժողովրդին, չխնայելով ոչ ծերունու և ոչ էլ մանուկին, պարսպափակված է և գտնվում է պետության հսկողության տակ: Ահա այն դեպքը, որին ես մասնակից եմ եղել:

Այժմ ես բնակվում եմ Չարենցավան քաղաքում, իմ հասցեն է՝ ք. Չարենցավան, II միկրոշրջան, II թաղամաս, 8-րդ շենք, 30 բնակարան: Յուրակ Գրիգորի Թորոյան:

Վերապրածի վկայություն

Ըստ մորս՝ Վարդահուշ Խաչատրյանի (ծնված 1898թ.) վկայությամբ

1920թ. դեկտեմբերին չհայտարարված պատերազմով քեմալական զորքերը գրավելով Ալեքսանդրապոլը՝ հասան մինչև Մալիտակի շրջանի Նալբանդ գյուղը՝ հիմնելով «թուրքի սահմանը» և կանգ առան: Այդ ժամանակ Մալիտակի շրջանի Ղարաբոյա գյուղը (այժմ Խնկոյան) մնաց «թուրքերի սահմանի» մեջ: Առավոտյան թուրքերը մինչև ատամները զինված լցվեցին Ղարաբոյա գյուղը: Նրանք հավաքեցին գյուղի ողջ բնակչությանը և հայտարարեցին, որ տղամարդիկ գնան գյուղի եկեղեցին և դպրոցը, իսկ կանանց՝ խարելով հայտնեցին, որ իրենց ձեռքերի մեջ պետք է կնիք խփեն և ում ձեռքի մեջ կնիք չլինի, տեղում կսպանեն: Գյուղի արևմտյան մասում մի բլրակ կար: Այդ բլրակի վերևից ներքև ձգվում էր մի բավականին խոր ձոր: Կանանց առաջնորդեցին այդ ձորը: Նրանց շորեցին ձորի երկու կողմերում՝ վերևից ներքև: Հրացանի ծայրերին ամրացված սվիններով թուրքերը բաժանվեցին երկու խմբի: Մի խումբը կանգնեց ձորի մի կողմում, մյուս խումբը՝ ձորի մյուս կողմում կանանց թիկունքում: Թուրքերը սվինահարելով կանանց լցրեցին ձորը: Մայրս այդ կանանց մեջ է եղել, նա հղիության վերջին օրերն է ապրել և չի կարողացել տեղից շարժվել: Թուրքերի սվինահարելու ժամանակ, նա հագիվ-հագ ձորի պռունկով սահել է ցած՝ մի ոտքով կանգնել ձյան մեջ, իսկ մյուս ոտքը ծալվել է, որի վրա ընկել է մի դիակ: Մայրս վախից այդ դիակը քաշել է իր վրա, որպեսզի թուրքերն իրեն չնկատեն: Թուրք ջարդարարները հրացանների սվինները դեպի ներքև պահելով, ձորի երկայնքով մի քանի անգամ քայլելով և սվինահարելով դիակները, հեռացել են ձորից: Թուրքական սվիններն անցնելով մորս վրա գտնվող դիակից՝ երկու սանտիմետր խորությամբ ինը տեղից վիրավորել էին նրա թիկունքը:

Տղամարդկանցով լցված եկեղեցու դռները թուրքերը փակել, լուսամուտներից կրակելով սպանել էին բոլորին, իսկ դպրոցում լցվածներին՝ ալրել: Առավոտյան լույսը բացվելու պես դեպի ձորն են եկել հինգ թուրքեր և ձորից

սվինահարելով դիակներին՝ վերադերձել գյուղ: Այդ գործողությունները կոչվել են երեք օր: Չորրորդ օրն առավոտյան հինգ թուրք և մեկ թարգմանիչ մտրից եկել են ձոր և հայտարարել, որ «փաշայի կողմից հրաման է եղել դադարեցնելու հայերի նկատմամբ կատարվող բոլոր տեսակի գործողությունները, ով որ կենդանի է թող ձայն հանի»: Մայրս անմիջապես ձեռքը վեր է բարձրացրել, թուրքերը շտապել են մորս մոտ և ուզեցել են վեր բարձրացնել, քայց հնարավոր չի եղել, քանի որ դիակներին հոսած արյունից և ուժեղ սառնամանիքներից դիակներն իրար էին կպել և վրայի հագուստը հանելով, սպիտակեղենով նրան դուրս են քաշել ձորից: Թուրք սպան տեսնելով մորս վիճակը, կարգադրել է զինվորին հանել իր շինելը և հագցնել մորս, գոտին կապելով սյառեցրել են ձյան վրա և քաշելով քերել մինչև գյուղ՝ մեր տուն, որտեղ թաքնված է եղել հայրս: Տան մեջ թուրք ջարդարարներից թաքնված են եղել նաև հորեղբորս տասներկու տարեկան աղջիկը, ես՝ երկու տարեկան (1918թ. ծնված), և մեր ազգականների երիտասարդ երեք հարսներ: Ցրտից այնքան էր մորս դեմքը ուռել, որ ես չեմ ճանաչել մայրիկիս: Այդ ժամանակ թուրք հրամանատարը կարգադրել է զինվորին, որ վառելիք ճարի և թոնիրը վառի: Վառելուց հետո զինվորներին ուղարկել է գյուղի մեջ իրենց նստավայրերը: Մնալով մայրիկիս մոտ մա խոտել է հայերեն և ասել, որ մայրը հայ է, իսկ հայրը՝ թուրք պաշտոնյա: Այստեղ գալուց առաջ մայրն իրեն խնդրելով՝ պատվիրել է, որ եթե դու սնվել ես իմ կաթով՝ հայի արյունը չպետք է թափես: «Թուրք» սպայի անունը Շեկո էր: Ահա թե, որտեղից էր գալիս «թուրքի» քարեզթությունը: Հայրս այս բոլորը լսելով թաքնված տեղից դուրս է եկել: Մայրս ժամանակ չկորցնելով՝ հորս խնդրել է «քանի դեռ լույսը չի բացվել, սարերի վրայով գնա, որ թուրքերը քեզ չնկատեն եղբորս խաբար տար, որ գա ինձ տանի» (Մայրս եղել է Նալբանդ գյուղի աղջիկ): Հայրս դուրս գալով տանից, մինչև լույսը բացվելը՝ հասել է Թափանլի գյուղը, որը Նալբանդից հեռու է 1 կմ: Այդ տեղից իմաց է տվել մորս եղբորը, որը մեծ ջանքերի գնով հասել է Ղարաբոյա՝ մորս տեղափոխելու համար: Սակայն, ավաղ, մինչև Ղարաբոյա հասնելը՝ մայրիկիս մեր տան եղած մարդկանց հետ թուրքերը տեղափոխել են Ղալթախչի գյուղը: Մի մեծ շինության մեջ, որտեղ հավաքել են հայ կանանց, երաժշտության տակ ծաղրածանակի են ենթարկել նրանց: Այդ ժամանակ մայրիկիս եղբայրն իմանալով քրոջ տեղը, գնացել վերցրել է մերոնց բոլորին և տեղափոխել Նալբանդ:

Այդ օրերին արտաքուստ ցերեկները կարծես թե խաղաղ էր անցնում, քայց գիշերները թուրքերը գաղտնի հարձակվում էին տների վրա: Մայրիկիս վիճակը գնալով ծանրացել է: Նրան Նալբանդից տեղափոխում են Քյուլուջա գյուղը: Մորս աչքերը կուրսանում են և անմիջապես նրան տեղափոխում են Թիֆլիսում գտնվող գերմանական հիվանդանոց: Մայրս շուրջ մեկ ամիս բուժվում է այնտեղ: Աչքերի տեսողությունը վերականգնվում է, վերքերը լավանում են, իսկ երբ համեմատական կարգով վիճակը լավանում է՝ նրան տուն են քերում:

Մայրս ապրեց ութսուն տարի: Մահացավ 1978թ. Երևանում: Սակայն այս հրեշավոր դեպքերի եզակի ականատեսներից մեկը լինելով՝ մինչև իր կյանքի վերջը, ամեն տարի՝ սկսած դեկտեմբերից մինչև հունվարի վերջը վերապրում էր այդ դաժան օրերը և ընկնում լիթերգիական քնի մեջ:

Գրի առավ՝ Ժենյա Խաչատրյանը՝
Վարդանուշ Խաչատրյանի դուստրը, 1918թ. ծնված:

Իմ հասցեն՝ Երևան 68, Արարատյան 1-ին մասիվ,
10/5 շենք, 16 բնակարան: